

四庫全書

集部

欽定四庫全書

御製詩四集卷三十八

古今體一百五十三首

丙申六

雨

五月初二日

自朝還至暮不疾亦非徐勢沛悠揚矣理含蘊藉與誰  
能較分寸惟喜利耰鋤真是依旬澤

自二十二日得雨之後隔數日必達

陣雨而今日則自晨至夕勢尚未止實利稼穡也

時和益慎子

西直門外

通宵甘雨達晨霏

方澤臨齋御輦歸真是既優還既渥無之非過更非稀  
行行漸覺收殘霏朗朗旋看騰曉暉時若問心何以報  
凜盈勅已慎幾微

養心殿齋居

雲散日猶嫩風來夏亦涼芸帷暑不到蓮漏晝方長書  
秩星惟火易欽柔遇剛天時人事協自省轉徬徨

和闐玉如意歌

巨鰲噓氣出海童手持耕插穀穗凡飛龍在天雲以從  
詩詞易象合撰工寓惟如意綏屢豐萬物作覩慎吾躬  
徒玩物焉志斯蒙

周臣薰葭漁艇

夕陽欲落遠山蒼小艇浮浮水一方竿綫不期塵世曉  
秦人何意詠三章

詠嘉靖雕漆飛龍盒

厥漆精工出果園希珍二百歲餘存別朱宛見飛龍遶

觀綠還看渤海翻高下徒知列天地剛柔未識叶乾坤  
義經泰否明標卦不學從來有昔言

地天泰天地否乃一定不易之卦象

此盒蓋刻飛龍形而列卦畫於其首似取開泰之義顧其卦誤作乾上坤下則為否矣此由不學無術之故因識而正其謬

題盧鴻草堂十志圖四首

十體書成十志圖鄭虔三絕那稱孤  
滄桑顯晦十年閱  
丁甲呵持有是乎

揚周跋語識清河張洽臨摹詎足多

近時張洽有臨本為石渠寶笈次等

其筆力氣弱  
遠不及也

師表人倫自有在寧因書畫辨如何

山為宅便草為堂

用鴻詩語

肥遯千秋姓字香機士俗人屢

爭較

鴻枕烟庭志有及機士登馬云云  
滌煩磯志有難與俗人言之句

先生者箇未能

忘

聞說終南捷徑通伊人隱避乃於嵩江邨題慕盧家事  
前後之間同不同

按高士竒跋有尚懷高世之踪益動故園之念語意在  
慕盧然考盧藏用初隱居於終南山尋應徵辟及登

朝專事權貴超超奢靡時人詆為終南捷徑盧鴻則  
隱於嵩山徵拜不受營草堂山中以終老二人志行  
不可同日而語若士竒附勢通賄不能以義命自安  
祇可同於前之藏用而不能同後之鴻且其自署為  
藏用老人亦有不期而同者因借盧家事譏之

詠周玉素壁

質本羊脂白色今栗子黃難因辨蒲穀全不藉文章穆  
穆含元氣英英孕葆光原為人世玩笑古費收藏

早涼

早涼宜袷衣仲夏似茲稀自為

去聲

霑普雨居然愛曉暉

麥秋穗增飽禾露穎添肥育物對時順吾惟慎勅幾

午日

午日適臨齋薰風靜鉤階節盤預頒賜宴几例收排戶  
敞青替艾庭深綠佈槐翻欣無絮聒五字引吟懷

題和闐玉鏤漁樵圖

給食為樵擔束薪似圖翁子肖精神一時意氣誇愚婦



未足稱爲箇裏人

右樵

罷釣言歸棹自持蕭然號不愧天隨斯人真稱去聲刻以玉范蟲寫金笑浪爲

右漁

宋覓臂擱

物有其奇必有偶乾坤示象義經紐宋覓臂擱天府久茲獲其雙不脛走瓦形長短同薄厚鐵足淡青出藍受

後先合德相為友官窰儲內陶成後瘦金筆法擱臂肘  
羲之懸腕或弗取此理倩誰為判剖文房雅玩堪享帚  
那數琅玕瓊瑤玖卯幕杯祇盛體酒小哉浮梁昊十九

題鄒一桂做王蒙山水

法不拘其荷葉皺山樵早已得精神柴籬童子開扉望  
採葯還乎待主人

夏至日

北郊禮成述事

年年勤懃

祀歲歲沐

申麻禮以質明執

恩同甘雨流

是日雨

六英奏允協三爵薦思柔耆定重蒙

佑欽承勵敬脩

祭畢迴御園恭問

皇太后安輿中襟詠

祭罷

齋宮小憩遲更衣就道輦逶迤夜來渥雨曉微歇

五更雨極

稠密向曉祭時

漸微後即止

富媪甘膏允賜禧

已喜大田深渥隴恰看二麥漸登場思量此際晴猶好

因識人心曷有常

薊門古蹟是耶非

薊門烟樹舊為燕山八景之一其處不可考因於土城關俗所謂沓連坡

者建小亭堅

七字曾留吟筆揮

乾隆辛未年曾詠燕山八景即以薊門烟樹詩

碣以存其蹟

刻於碣間

今日雨絲風片裏補他八景認依稀

致齋三日踈

溫清旋踈凌晨詣暢春奏對青郊農況美

慈心同我念惟民

御湖晴泛

輕雲聚散容無定細雨密踈意欲闌  
厯未逮申遂開霽  
索舟耐可泛澄瀾

蓬支筠片畫如入棹拂柳絲珠尚垂習習輕風翻碧浪  
金鱗萬點面前披

禾苗助長總芄生此際宜賜喜麥成却憶東巡歸水路  
舟中盼雨每嫌晴

蔚藍天色深欺碧拖黛山容淺隱蒼著箇虛舟任去住  
光明鏡裏泛輕涼

東園觀麥

仲春暮春雨時霑秋麥春麥苗胥茂大勝往歲愁隴乾  
而我適值東巡狩茲來方逮夏之至結穗飽滿熟已透  
奄觀鉅艾堆圃場亦有棲畝收未就是宜時賜資畢獲

昨近小雨乃頻邁心期雲散日以暄無刻不因農務究  
對雲樓

綠雲恒在山對之四季無向背白雲或在天對之一時  
有憎愛望雨而愛望晴憎方寸何曾有定情不如綠雲  
無憂喜後凋之色恒如此

抱樸草堂

草堂雖綴景抱樸意猶深既念茅簷苦敢忘階土心繞  
門有流水對戶亦遙岑一卷唐詩在浩然什合吟

觀疇樓口號

收麥堆場禾滿田如油綠色蔚芊芊今朝拾級憑觀處  
遥祝秋成意更虔

花韻軒

已過三春候誰稱萬物華幻中付榮謝靜裏悟根芽雁  
去書空杳燕來窺棟斜文軒韻恒在何繫有無花

敦素堂見蓮花始開

過由複道復過來咫尺如園小憩陪暗付春光與花謝



底知夏景見蓮開淡粧雅韻誠宜素外直中通不染埃  
那藉徐熙稱繪事可從敦處玩真材

挹泉榭

榭俯引流水渠䟽牆外邊非泉乃曰挹有若假藉然既  
復思其通何水而非泉遠近縱有別盈科無異焉坐以  
是之取有本究精詮

晴望樓口號

既雨人心即向晴高樓縱目愜遙情村村場圃堆新麥

持穗都期餅餌成

豁如室

何室弗四辟此獨曰豁如廓然順應物聞諸復性書心  
地苟充拙逼塞徒逃虛坦坦泯芥蕙落落無方隅誰能  
忘莞倪試與觀古初

益思堂

額檐義各別率以勵身脩會意番番異題吟每每留茲  
來已仲夏重到擬深秋試問益何思喜晴望麥收

映清齋

弓樣迴廊扇樣齋溶溶池水綠侵階憑軒不必五絃撫  
一曲薰風早入懷

寫鏡亭

一亭如虛舟澄波映其下寫鏡因得名可憑不可把物  
來而順應妍媸隨隨照者惟弗設成見所以為公也偶臨  
忽有思鏡復誰為寫

合翠軒

新葉兩三見吐曾春徂荏苒夏臨仍誰知往返蹕途裏  
翠合翻憐得爾能

題唐鼓腔尊

是器乃都統索諾穆策凌得自烏魯木齊呈進者  
考其地唐為後庭縣與金滿輪臺西海同隸北庭  
大都護府今屯田軍士因墾土得之色澤斑斕入  
土年久當為唐代之物其式與遵生八牋所載鼓  
腔尊相合因以名之並成是什

伊犁遠域易田疇烏魯木齊為近陬墾土噐呈戊巳尉  
範銅形異子孫自唐以上應無紀入塞而來似有由  
關地開疆聽彼議安民和衆盡吾謀

尊藏得勝

靈纛於紫光閣詩以紀事

有序

師中麾督劇旌軍勝壯風雲之色徼外績成偃伯  
兵銷騰日月之光郊臺既列拜以

告勲紫閣遂尊藏而誌武溯自虎符申命辟壘新而一

將宣勞因之貌旅同心弓刀利而八旗鼓勇應  
指揮以破險咸勵赳赳桓桓運鈐略以出奇仍  
合堂堂正正艱辛百戰先登則蟻聚就殲摩蕩  
七旂並舉則鷹揚奮擊顧壁間之圖畫建牙稱  
是英姿振地角之鼓鉦展旆知其勇號韜函婉昔  
與西陲珠飾以交輝橐橐從今叶北斗玉衡而永  
定

郊臺武定叩

蒼穹陳列

靈旂凱禮雄宣力  
勤勞資衆將坐謀  
籌畫賴元戎建時  
吉氣占剛日豎處  
軍祥符勝風例以  
伊犁及回部尊藏  
高閣紀成功

蕃劔行

功成倖受甲已弢  
歸來蕃劔呈票姚  
西羗尚武相爭囂  
盈尺利器常繫腰  
擢揄戎服為扶禕  
強食衆暴逞厥豪  
縛雞連足掀彼碣  
究亦何成嗟汝曹  
徒觀魚腸室飾蛟

綴以七寶蚌殼雕龜紋隱起星芒昭印作寶物斯稱高  
匣藏紫閣識勲勞光明日月兵氣銷

弄藏所獲金川軍器於紫光閣並誌以詩

有序

叩籠剗淨深林無伏莽之遺槃木俘來遠徼有  
戢戈之喜指點戰圖張壁幟我威弧檢稽獲簿陳  
庭收其脫帽金璫已拋殘重甲嗤犀兕之尚多  
鉛丸惟懸賸空囊識蟲沙之早化短鋒誰佩漫  
矜犴黨之銛左插何施自斂脫光之影蕩兩川



而兵洗金氣全消鑄九鼎以勲銘銅標詎比虎  
皮韜櫝連函用誌武成鳳唼濡毫長律寧誇文  
具

出師寧曰圖俘物弃器亦因紀武功貝甲蠻刀胥就獲

拳旗斬將並稱雄金川金小穴俱掃

兩金川分東西東為小金川西為金

川俗亦謂之大金川云

白鹿白狼跡豈同那肯事平忘衆力惟應

泰保慎吾衷

夏日討源書屋

書屋西園裏由來近

暢春

恭奉  
居園名即前園也

聖母所

問

安此憩息勅政覽敷陳不覺半年隔又臨仲夏新討源  
竟何若所愧尚迷津

萬壽山清漪園即景

輕輿乘暇攬名山迤邐長隄俯碧潺東挹鱗塍望秋稔  
北看黛巘入雲間清華水木會心處來往風光瞥眼間  
況是幾餘罷籌筆吟情於此可能刪

題玉瀾堂

窓屋臨池玉空澄與目謀風來每拂水瀾作却非流動  
有文章趣靜無起滅漚蓄波今歲盛喜足灌田疇

養雲軒

巖半虛軒俯明湖愛此無得山水趣因之醞釀易生雲  
鰲黼亦恒於此佳邇來膏澤足青郊禾黍怒長麥秋屬  
却是宜暘日以煦無藉容容致雨霏分付養者須靳之  
莫使出楹滿空佈

藕香榭口號

藕在深泥詎解香生蓮風馥滿池塘莫嫌榭額失顛倒  
無藕何由蓮吐芳

無盡意軒自訟

軒窓納萬景故名無盡意但此所該廣納景實不啻試  
問天下人其意誰盡既而我豈不然屬望懷恒置久晴  
希雨霑已雨盼晴備持盈保泰心更覺時縈思宣尼鄙  
患失當之允難避

尋雲亭口號

既霑渥雨對晴欣  
曬麥堆場功正勤  
豈是無端來問景  
今朝那肯重尋雲

再題惠山園八景

載時堂

春仲來遊未及吟  
茲當夏仲綠陰深  
載時多少惜時意  
一瞬流光沒處尋

墨妙軒

弄藏名蹟命精摹墨妙苕華與衆俱未識當年把筆者  
殫薌今日可知乎

就雲樓

名園綴景無不具樓就山腰山吐雲時正宜賜資曬麥  
英英此際漫殷勤

澹碧齋

溪齋臨水水溶溶碧實鄰虛澹匪濃妙處可憑不可說  
清風波面拂其蹤

水樂亭

靜非無進動非流九夏憑來意亦秋  
設曰披風有真樂應為水調奏歌頭

知魚橋

石橋曲折鏡光披潛躍文鱗適任伊  
俯仰清華誰弗樂便當魚樂亦應知

尋詩徑

窈而深更繚而曲步步神傳七字真  
若謂尋詩於此合

可知詩亦解尋人

涵光洞

石林蒼邏復青園空洞如含靜者機那更入來訝生白  
南華早已示其微

題霽清軒

冠巘搆三楹來欣霽景清徂雲飛片片皎旭麗晶晶仲  
夏不知暑宜賜真愜情倚闌吟五字今日善循名

詠靈珀



老珀千年閨中含物象虛

又名物象珀見本草

苑枯誠有異

之內花

遇冬至即長藏至五月間開足夏至後以次消落近仲冬即無所見矣

消息竟何如內外

化工契團圞月體舒本來却夥見昔詠涉吹噓

前曾題靈珀詩

及靈珀賦疑其世不多覩因贊美之今復見此數枚則固非難致之物也

### 題錢維城花卉冊

#### 碧桃

扶疎花葉繁芳春有態而仍兼有神粉白緋紅原慣見

不知名碧始何人

碧青綠色也桃花從未見有此色者不知何以得名

繡球

團團簇得白雲窠  
擎處還看綠葉妥  
恰似雪峯毬趂出  
問曾悟得色空麼

杜鵑

後先奚必辨殊同

見湧幢小品

花葉都看滿著叢  
却憶風篁

嶺那畔三春暎得萬山紅

蕙蘭

春晚蘭先蕙繼開

見爾雅翼

一般清馥淨無埃  
弟兄難處伊

誰是祇有夷齊可擬陪

蝴蝶花

動若飛而靜若翔分明粉本出滕王莊生曉夢相迷處  
那計尋常色與香

十姊妹

瀟灑丰姿潔淨神千秋評論底為真誰將野客稱呼者

見三餘  
贅筆

喚作嬋娥隊裏人

牡丹

雅是春園冠衆花，寧須富貴與名加。  
不知設色傳神處，何似北齊楊子華。

刺蘼

荼蘼畧似裸紅黃，有豔而殊無異香。  
漫以宜觀便言采，其間多刺却應防。

荼蘼

誰與邊旁增麴君，名誠稱去聲實未虛云。  
試看雅客會韻友，

酬酢之間總半醺。

西府海棠

已是嵇含疏裏著可知蕭淑卷中傳一般勝得垂絲者  
體態同羸枝幹堅

綬帶

紫梗黃花累若稠雖饒顏色欠風流身名等度宜誰贈  
應贈懷金蔡澤儔

虞美人

浪傳本是帳中草鼓掌便如舞袖低大抵輕盈易為動

其歌未必即虞兮

諸葛菜

子落生苗最易滋  
圖花葉匪取多姿  
當年併日食之物  
此味謂云宜並知

蠶豆花

蠶時豆熟可為糧  
種自張騫攜異方  
豈為去聲白花供入  
眼憐他救急接青黃

蒲公英

花似菊而葉非似弗開秋却反開春子昂偏識箇中趣  
率筆欣他最有神

內府藏孟頫寫生冊畫此花淡墨數筆致有生趣每愛倣之

蜀葵

葵號而開五色花試之向日定相差戎王子或同時到  
疑在將軍何氏家

卮子

蒼筤是否卽祇園誰果千秋有定論欲笑佳文柳子厚  
枝頭却未作卮言

石竹

雖非个个亦猗猗散點薰風襍砌墀設使吳中士家有  
子猷驀到也應疑

萱花

苞生葉綠挺花黃風詠伯兮第四章我每憂霖或愁旱  
雖持此草不能忘

百合

惟應弘景識強瞿白玉為花壚葉扶

碧玉謂之壚

莫謂蒜根



難入畫幾多寫作歲朝圖

百合根似蒜而大多瓣攢成冬春間食之頗為珍品畫家

以其名佳每續

入歲朝圖中

### 金錢花

不須鑪冶成輪孔欲奪牡丹富貴花未識鋪牋設色罷  
可曾潤筆獲奇葩

### 美人蕉

綠葉紅葩亦可人色雖如火那燒身曰譽實刺含微語  
何事無端詠李紳

秋葵

中央賦色本稱尊  
夏杪秋初燦滿園  
雖曰丹心能向日  
亦因不令照其根

藍菊

華不瑣碎葉離披  
人曰菊斯亦菊之  
便是子良工假借  
安能面目冒東籬

紫薇

品命由來豈定評  
翻將高客冒官程  
開元欲笑中書省

便乃因花浪改名

牽牛

引蔓寧同金絡觀舍傍扶架當牛欄  
年年七月花開處最是黃姑不忍看

金銀藤

攀籬援樹曾無定施蔓發花自有形  
花譜設非愛黃白緣何小草號通靈

玉簪

朝開幕卷似簪抽柄琢綠瓊細且修雅是連昌桃竹側  
晚粧欲上玉搔頭

夾竹桃

花似桃而瓣少長葉如竹却節非簟漫言品遜佛桑美

耐久端應勝佛桑

見學圃  
餘疏

僧帽菊

破顏迦葉可曾看烏啄苗花朵朵攢既託空門曰僧帽

折將胡乃有雙鸞

見廣羣  
芳譜

桂花

花中稱馥不稱妍玉露金風體欲仙  
徐惠賢因諫征伐豈緣能賦小山篇

茉莉

睡鴨何須換夕薰晚風細細散幽芬  
雖然馨欲奪蘭席清濁其間品亦分

紫茉莉

奪朱猶惡泥奪白故合間無撲鼻香  
伯仲鬢華

白茉莉一名鬢

辛  
廁其側顏頰亦覺意徬徨

蠟梅

蠟梅臘月正開花  
从月从虫兩不差  
更有相應色香處

羶薌原是姓黃家

見王直  
方詩話

山茶

羣芳不屑爭佳麗  
冬月玫瑰壓滿枝  
耐冷莫嘗有火色

融融紅潤雪肥時

長春

四季開花月月紅枝頭長自表春工畫家蓋是深于易  
一氣貞元運莫窮

夏日池上居

池上偏宜夏日居清風拂暑綠牕虛種松十載入畫格  
引水一方垂石渠恰有遣閒觀古帖幸無隔刻問軍書  
雖然武定紆繾綣戒滿持盈正慎予

喜晴

雨足剛十日居然此喜晴無非為農務因是繫民生實

覺先憂切總艱後樂并緒雲散以淨愁亦與之征

恭奉

皇太后幸避暑山莊啓程之作

東巡迴蹕剛半月北幸啓程又一時無乃太勤車馬爾  
未嘗少懈盱宵斯

堯皇家法寧容弛

文母高年合奉怡避暑長茲承夏清

修齡永祝侍



期頤

過清河橋

徹夜晴明曉啓程東樓門出復雲生

往避暑山莊每從長春園之東樓門出

須臾五里翻為霧心喜都成霽景清

夏霧多熱亦多晴農諺頗可徵驗云

卧波夾鏡石橋修歸壑中間祇順流暴雨前朝原未漲  
思量預費一番愁

黍高稻下總芄如麥後新禾秧又舒自幸之餘還自謂  
預愁原是未孤予

御馬啓程歷卅年今朝依例此鳴鞭詎云矍鑠誇身健  
諸事心存無逸篇

易輿六韻

過橋因易輿農事歷觀諸艾麥紛堆彼盼晴益切予目

存都合什身坐可翻書

每坐輿中圖便觀書否則多榮馬也

霧捲日旋朗

慰生憂以除少乘仍榮馬弗久到行廬未午多清暇槐

風入牖虛

陣雨

過午西北山吐雲列岐豐隆各逞技橫排豎激祇須臾  
簷溜都傾三峽水捲向東南歸渤瀛纖翳不留天朗矣  
快馬斫陣海湧潮陣雨之迅有若此今朝始信晴定耳  
喬樹風前滿意美

曉行

發早駐亦早旅行理合依雨霑多爽氣涼遞愛朝暉微  
渾乾長路實紉御袷衣  
紉有實地漏地之分  
為袷衣者必用實地  
圃場攤麥  
稂農急趣陽晞

小停懷柔縣

舊日行宮在於馬適小停傳餐主東道駐輦奉

慈寧

是日皇太后駐於此  
取程近以適起居

帶水循川白屏山入戶

青大殊去年況侵潦阻

鑾輶

去年以有

慈駕啓鑾時因霖潦侵橋信宿湯山是  
駐蹕湯山待約搭之句今歲於蘭溝行

宮添建數楹以供

寧懋程頓較近  
安輿倍為順適

燕連日天氣晴明

西北風

昨晚陣雨雲盡收今朝西北風颼颼太空昭朗淨纖翳爽

生九夏如三秋二麥稔穗矚以粟禾乘潤浥露氣浮農  
况實為所希見西成遙矣望尚悠誠得此後賜時若吾  
民衣食庶可謀

過白河

前朝微漲昨朝退亘岸方舟梁已成即此可知豫則立

謂造舟為梁  
備水漲也

亦惟無事任其行

嘗謂禹之無事行水為  
萬古治河良法一切宣

防未免利  
弊相生矣

崇祠瞻謁申誠肅曠野延緣閱耨耕與拂快

晴遲跋馬鞭鞭大勝往年情

往歲過此或因河漲待橋  
意頗不適茲行披輿閱農

為向所

罕觀云

密雲縣行宮晚坐

向年啓蹕率秋月邇歲移前緣避暑然皆適值時行際  
往往因之屢逢雨白河水漲或啗橋僕役跋涉勞行旅何  
幸今番遇快晴無虞收麥利禾黍輿梁穩穩度輜重行  
宮早到未卓午槐陰坐受西北風爽生襟袖興吟緒夕  
陽西下景更清幾望月輪懸碧宇雖然遇順敢即怡熟讀  
周書無逸所

過九松山

久矣山松以九名松孫松子鬱縱橫由來數典從其朔  
想像為龍護法城

山寺寥寥頗不高雅宜綴景入吟豪笑他野衲非弘景  
也解終朝聽謾濤

靜欲縈盤動欲騰千秋翠色倚峻嶒竭思九里西湖路

西湖入靈隱  
路有九里松  
一例鳴鞭引興曾

山田

山田向北高穡事觀迤邐近塞氣候遲麥穗纔熟爾遍

壠尚未艾潤露芄萋萋何慮蒸雨青

收麥時雨多不得  
曬晾則發青而粃

農家最  
忌之

但覺期秋美禾乘則益盛無隙綠雲委額手祈

時若農苦庶酬彼

### 種槐

屋古庭樹古枝枯葉憔悴數年前慮茲種槐就隙地爾來  
漸長成菁葱綠雲概新陰連舊陰扶疎幕簷翠颯披西  
北風夏令如秋季因憶管子言樹木十年計樹人更予



責徘徊祇增愧

即事

夜來小雨不致潭北往層岡尚起塵  
此事詎寧宜旅客  
所欣都為利農人  
未收麥坂穗資飽已種禾田穎濯新  
緩轡鳴鞭紀吟什既云慰矣益增寅

出古北口

塞有塞之意古來畏北人  
發端始蘇李  
扼險自嬴秦  
征戰多傷害  
戍屯良苦辛  
難言惟守在得要亦相親  
即此

往來度恒聯中外臣勅幾勤一已施惠接嘉賓

自秦人北築長

城畏其南下防之愈嚴則隔絕愈甚不知來之乃所以安之我朝

家法中外一體世為臣僕

皇祖

關此避暑山莊每歲巡幸俾蒙古未出痘生身者皆得覲見宴賞錫賚

恩益深而情益聯實良法美意

超越千  
古云 敢不遵

家法寧徒事豫巡舒懷摛五字揭義示千春

### 兩間房行宮即景

塞外氣本清矧值新晴後白水自繞門青山欣入牖行  
館架五楹詎止兩間久每來供靜憩樸室饒虛受披襟

喜爽涼夏五如秋九況罷軍書問兼冀農功有心怡神  
自謚得句亦無垢

再題常山峪行宮八景

綠樾徑

萬綠叢中一徑延循門得入景無邊興來擬欲賡前什

不覺光陰隔十年

八景詩凡六作止丙戌歲  
逮今丙申已越十年矣

虛白軒

電光石火忽旬歲筆點牋鋪又一時比似虛軒生白者

自無而有亦如斯

青雲梯

行宮計里駐來均例以閣章到此辰

向例三日內閣發本一次自啓鑒後

計日發報必當至常山峪行宮故云

宣旨諸臣悉批荅阿誰不是步雲人

楓香坂

非煙而靄復非雲葉葉枝枝吐淨芬竄是此香無火氣  
了當領以不聞聞

如是室

素屏

羲畫寫唐詩

室內素屏八扇丙戌歲句連今七十餘年

皇祖御書唐詩翰如新每一仰

瞻倍生

拱讀恒生若

欽慕

見思明月清風七十載室猶如是景光披

蔚藻室

書堂七十春秋閱猶憶當年

聖藻垂綬侍幼齡方舞象

康熙壬寅余年甫十二趨侍山莊獲覲聖藻親揮雖未能

窺測

筆妙而追憶之

餘如見

天文飛動也

天文妙處未能窺

翠風埭

陣雨收雲纔片刻層層埭穢翠如湔風來西北翻林海  
雅勝五音奏管絃

陵霞亭

八柱山亭特據高肩輿尋勝陟蘭臯颯然爽氣滿襟袖  
霞舉因之興亦豪

至喀喇河屯行宮作

曉涼步輦歷平川葦峪經過翠嶺巔循例雖然仍易馬  
向年自啓蹕乘馬至木蘭園畢始間御輿輦故有踐馬  
却輿輦廿年一例便之句六旬以後時乘輿輦而行雖  
偶易馬不過行十  
餘里即至行宮耳對時却自懶催鞭行宮到以昨年似  
稅駕欣於午刻前別墅依然河那畔便教問景度蘭船

灤陽別墅

河北為陽河南為陰南北如仁義定名弗可侵陰陽如  
道德虛位隨方尋昌黎精語非躬至理自古今天地  
山河示此象豈從原道之文垂訓音漾舟而過偶契心

仰觀俯察歸酌斟

虬蓋亭

種松已作老虬枝小坐旋看蓋影移因悟世稱百年者  
憬然害不視乎斯

至避暑山莊即景成什

蘭露松風曉氣清廣仁嶺過見巖城萬家烟火茲增倍  
我皇祖山莊詩有聚民至  
萬家及萬家烟火隨民便之句  
五穀倉箱望益誠智水

仁山怡性謚高畦低墮喜天晴更予一節便宜者午夜



軍書罷問程

永佑寺瞻禮

下馬先攄瞻禮誠

層樓神御曉曦晶屢申此日養

親志敬法

當年避暑情夕惕朝乾敢或懈勅幾律已成其盈紅旗

三捷歌耆定祈

佑叨

恩幸武成

昨歲瞻禮句云永佑卽今祈佑者軍營早晚迎紅旗自去秋及春紅旗三捷逆黨全

俘武成者定茲展謁之下彌感神御垂庥惟並凜持盈敬承嘉貺於無數耳

寫心精舍

萬事及萬物無不由心者心為一切本則皆心寫也而此曰寫心殊覺風牛馬然亦有可說義或出般若色空即空色寫心仍心寫過者是去年來者為今夏而皆不可得孰真復孰假

碧峯寺

門對碧峯因額寺寺而曾弗著僧徒禪枝忍草自佛法  
鶴下鹿遊任物娛偶到不知今與昔忘言那論有和無

道場亦自松引路何至誇多曰萬株

黃梅道場有引路  
松萬株見圖經夫

萬株列路具長應數十里語涉誇誕  
是寺路傍亦種松不過數百株耳

### 味甘書屋

書屋綴景為灑然蕭寺左隔歲此初來有暇便小坐茗  
甌及竹爐安設原貼妥石泉汲以烹略試文武火既非  
竟陵癖更殊趙州果擎杯吟五字爽然有會我味泉或

偶宜味言殊未可

叢碧樓

樓出萬樹叢俯瞰連一碧恰似泛滄波洞庭與震澤而  
無風浪憂饒有烟霞癖憑窗偶會心可以喚浮宅却  
笑五湖人未免餘形迹

西峪問景紀所得

西峪臨石城蘭徑循逶迤向北有書堂其名曰秀起我  
每臨山莊例必先至彼而峪定所由遵路可舍此林嵐

忽明晦增趣之所以晦處有鹿伏非時無害理

此時鹿尚瘦故

弗持鎗往即之而鹿亦虞近人如海鷗之狎也

海鷗狎即斯萬事一貫耳明

處見牆外駝馬過行李勞實厯衆人逸可恣一已肩輿  
問景間所得聊紀是

題秀起堂

千巖葉態與枝姿總是書堂秀起奇淺翠濃青資造化  
詩裁畫格入神思殊觀應識自太古此遇欣於又一時  
每到山莊斯據榻欲因啓秘邇吟之

振藻樓

振為流動藻為華詩品亦惟備一家三字箴如悟根柢  
不多些子在無邪

經畬書屋

振藻樓廊接書屋屋檐却自額經畬箇中誰識端倪具  
求藻應於經始諸

文津閣

四庫收精要千秋示率循寧惟資博物端以藉修身箴

事雖猶待集成斯已

建閣為貯四庫全書之用然錄尚需數年閣中空曠用仿四

庫書函之式裝潢古今圖書集

淵源如欲問

仿浙江范氏天一閣規制

成全部度架排列亦頗可觀

淵源如欲問

初於山莊建閣以文津名之御園之文源大內之文淵則皆由此津逮也

應自此尋津

### 趣亭

石磴平巔十笏開俯觀諸趣面前堆襄陽帖語分明是

西則西山東月臺

### 月臺

為愛顛翁語假山築月臺錘峯如挂矣渤海早昇哉千

古文章鏡四時景物胎循名微慙去聲者曾未一登來

爽

北至已逾旬蒸炎實宜爾山莊稱避暑地靈有神理  
魚之渥雨過快晴收溽靡埭露含潤晶巖風拂涼美襟袖  
颯披爽几席清如水長夏以何消沃心有書史書史多  
芳規擇而行由已

題董邦達山水冊

天際輕帆



林立桅竿泊水隈其間鄉思去聲是誰哉天邊遙見輕帆影知彼復從何處來

荻洲放艇

滄洲淥水荻蘆秋蘭柺金風獨放舟不把絲竿置身側恐妨人認志和流

林塢幽居

翠圍紫邏蔚縝紛小築幽居亦可欣岫戶雲關早自掩北山那慮有移文

水亭清曠

隔水林岑聳遠巒分明畫展范家寬  
虛亭四柱無人坐留與千秋過客看

溪迴村靜

溪水清泠號浣花  
檀林碕岸抱村斜  
草堂莫問伊誰宅  
應是詩人姓杜家

柳橋晚艤

石橋木杓近遙路  
東汊西濬宛轉津  
柳岸艤舟夕陽晚

知他所待是何人

懸流淙玉

飛龍擘峽落銀塘蘭嶼沙洲去渺茫淙處恰應擬似玉  
不須憂擊有宮商

松巖拂籟

侍臣翠蹕扈山莊

董邦達以癸未夏扈從山莊此冊即彼時所畫也

各種圖成

小幘方拂籟松巖昔年況

萬壑松風為山莊之一予昔蒙

三十六景皇祖養育

宮中賜居於此

追思即景感懷長

詠哥窯壚

伊誰換夕薰香訝至今聞製自崇魚耳色猶顯鱗紋本  
來無火氣却似有雲氤辨見八還畢鼻根何處分

題漢玉壁

環以變紋圍粟寶量之內果倍於好周乎漢乎弗可知  
較諸素穀斯為巧撫不留手呵生汁溫貞古穆其光葆  
邊幅齧缺理則然世間何物完恒保

御製詩四集卷三十八

欽定四庫全書

御製詩四集卷三十九

古今體一百四十二首

丙申七

過河詣溥仁寺瞻禮

穹碑一拱讀

康熙癸巳恭遇古王公懇構梵刹祝釐

皇祖六旬萬壽諸蒙皇祖鑒其誠

惻遂

允於山莊東建此寺額曰

猶見衆藩誠懷畏

溥仁

御製文紀其事立碑寺中

至今切河山奕世盟伊余守

家法遠域奉朝正

自平定準噶爾以後新附諸藩俱以每歲八月間至山莊隨內札薩克諸

蒙古王公慶祝及土爾扈特全部歸順  
其汗渥巴錫等獲率衆朝覲宴會於此  
墮越庶免議揚

乾益凜情

安遠廟

東嶺琳宮接題門各有名匪尊不二法緣繫衆藩情

蒙古

素奉黃教而伊犁之固爾札廟莊嚴特盛尤其所尊禮  
者仿其制建安遠廟於此每歲駐蹕山莊舊藩新附絡  
繹鱗集仰之瞻仰斯廟益增歡喜以示柔懷遠人之意非祇闡揚衆教也  
佛日迎薰朗慧雲

收雨征金川茲武定安遠永銷兵

詠宣窰枕

雨過脚雲婪尾垂夕陽孤鷺照飛時泥澄鐵鏃丹砂染  
此椀陶成色肖之

右霽紅

落霞彩散不留形浴出長天霽色青成化鷄缸誇五色  
椎輪於此溯儀型

右霽青

趙孟頫汀草文鴛

漚窟興來偶寫生

隱括子昂  
自書識語

全從隸法表神情文鴛樂



意相關處隱寓其居是水晶

瞻禮普陀宗乘之廟因題

梵語布達拉震旦謂普陀南海本中華西域寶傲摹叶

普陀有三詳見碑記蓋西域布達拉本以山似普陀而屋宇則仍依藏式茲廟規制悉倣西藏為之斯乃

肖藏式構築無差訛土爾扈特來慶落演梵那辛卯秋

成適土爾扈特汗渥巴錫等朝覲於此因命詣廟瞻禮俾益深感悅去歲雨致頽根基未

固羅重砌塊石堅僨事弗深訶昨歲夏秋多雨廟之南而紅牆頽圯牽引地面

上層樓閣亦有傾者即遣大臣勘驗知係原工築土未堅雨水滲入致牆基鼓裂層御而下皆由前此承辦各

買不諳作法尚非侵冒誤工故不加深諱因命易大塊  
石為基層層甃築經樓佛閣重加葺治未踰年而藏工  
閎整如前而鞏固較勝於舊通計費用四十餘萬金例  
當工員賠補念各員力不能償止令其中數人廉俸最  
厚者酌賠什之一餘悉豁免其工員初時  
僅襁項帶今於工竣之日仍加恩給還  
舊賈仍巍巍不有敗者相焉覩成者嘉  
成敗總六如  
如是觀如何

### 殊像寺

殊像亦非殊堂堂如是乎雙峰恒並峙

與普陀宗乘之廟各據一峰相

去半里

半里弗多紆法爾現童子巍然具丈夫丹書過情

頌 西藏每於新歲獻丹書稱曼殊師利大皇帝云云茲以曼殊音近滿珠也 笑豈是真吾

香林室

塞上富者林茲以近佛地異衆獨名香而室幸斯置俯  
仰栴檀叢鑿飫蔭菊味滿志惟清淨謀目足葱翠何當  
屏萬慮從修入聞思

倚雲樓

倚雲雲亦倚其樓正可義經悟氣求若論山田霑渥雨  
豐隆祇合此間收

廣安寺

蓮宮及鹿苑迤邐接北山一以祝

慈壽一以示外藩相去弗其遙遊乘片時閒未能空五  
蘊那足悟三幡獨因歌者定差云副廣安

遊獅子園

咫尺獅子園路不遙言遊聊趣爽涼朝初來憶過六旬歲

憶予六齡時初隨

皇考居

此園忽忽不覺度六十年矣

重到那堪七字消舞象

忽殊彼綠服聞詩未異此松寮思量欲弗負

期望惟有孜孜慎旰宵

樂山書院

書院

皇考成額名

皇祖賜孫臣今日來敢懈繼絕志爾時多伯叔問誰能  
此類以此益勉旃恐負

心傳意為君止於仁樂山仁之事

草房

應匪茨茅

當日心

我

皇考於潛邸時建此草房無過綴景尚樸原無茅茨土階之想也

誰知階土

訓垂今草堂抱樸御園構

丁亥年於園明園構草堂名之曰抱樸實數典自此鼻

祖却從此處尋

護雲莊

雲護及護雲一二二而一從龍雲龍從昌黎言豈失負

山構雲莊三樞架書室容容與為入英英與為出安得

無事坐其理探精密

妙高堂

堂名肖浮王所異山與水俯視林海翻鯨波豈殊此詎  
必舳艫泛時有烟雲起乃知

奎章垂

額名  
祖御筆書

賜

初非出虛擬欲喚彼東坡斟酌其

間理

松栢室

松栢雖異種性同節並堅彊暫邑中黔不害皆為賢鬱  
鬱植庭際童童蔭簷前可識

聖人意如讀高士篇山楓及谷柳於汝何有焉

題宜照齋

宜照宜西照我來率午前循名如負矣責實此恒焉

雖未

值夕照之時而齋之  
宜夕照則恒故云

跋馬巖城入對螺松牖便從頭看

舊什率意得新篇

却炎榭口號

炎如誠有應言却是處炎無却亦無似此額題乃虛設  
尋思萬事類斯乎



就松室

築室本就松人亦恒就室究因松愛古匪為室圖逸是  
則松室間賓主分去聲當悉坐來謾濤聽九夏炎如矢報  
我良不爽而松無意必

玉鏤八駿歌

權輿十駿圖驕皇癸亥歲命世寧即至今歷卅餘年長  
繼厥後者頗多良十中亦或備數常原非匹匹供御韉  
和聞貢珍珎天閭肖行事俾玉人裹合先躋後惟掄臧爰

成八數古語償引領仍屬萬吉驕以德弗以力致祥驕  
稱闕虎星降房雄姿威服於菟藏俊逸獨是霹靂驤木  
蘭圍裏殲天狼赤花鷹似朶雲翔歎彼飛隼相低昂

以上

四駿仍舊十駿圖中者餘則有驕倭閑鳥中凰海子威  
其後所得後十駿內選其四

斃胯下羣

戊寅春於南苑乘此駒行園突有奔羣從胯下竄過駒飛馳如故威之而仆迴轡輒命中

厄魯所進如意驄

叶準葛爾台吉舊爾丹策凌所進

麟身汗血氣開張

錦雲雕穩坐玉床雪山潦途健步康

辛巳春巡幸五臺煙長城嶺時雨雪

連朝山徑泥滑乘此馬勝  
快行渾穩步如踐平地

寶吉驕來最後行洪谿爾遠

天一方

此駒為土爾扈特親王策伯克多爾濟所進及洪路爾屬部色爾克斯產也其地更在哈薩克

西北界鄰俄羅斯從古未通中國辛卯秋土爾扈特歸順此馬因得貢天閑調息之果良馬也遂錫之名每歲

木蘭御以行圓

凡茲八者真駿英

叶

無慙琢彼瓊瑤相紫檀為

屏美牧場飲斲適性樂無央龍為友固可年忘遐想造

父事穆王以車御行窮八荒何足數哉肆遊狂朝家詰

戎馬射覆風所資力應表彰壽之貞珉允所當峻坂馳

下為弗徨

朕自六旬以後雖每歲仍行圓木蘭但擇地略馳不似向年之磬控險峻矣

作歌

識興微慨慷

題金令昭水亭高士

倚几高人弗礙涼溪風吹送野梅香箕裘雖有家聲繼

金昭乃建標之父此畫即其子向所進者一例石渠古畫藏

詠永樂雕漆盒

果園佳製別朱紅蔗段尤珍人物工無客閒牕盼秋宇

攜僮侍杖聽松風

所雕人物景如此

細書題識猶堪辨後代仿

為究莫同三百年來此完璧文房撫古念何窮

文徵明清溪茅屋即用其韻

百尺飛流落石灘綠陰深處草堂閒幽人獨聽仍獨返  
那更林扉藉叩關

熱

今朝午覺熱乃符夏德暑亦豈能無長遂化工補然  
此山莊中饒有避炎所谷口風送涼林間陰更普廣軒  
復辱豁蒸溽弗到戶牆外市廛輾難免煩敲鼓因憶僕  
從人可忘怨咨苦

夜雨

五月廿二日

昨熱知蒸雨殷雷聽夜齋遂聞響銀竹旋報濕瓊槐  
颯爽惟間透膩炎戶外排

大安明曉至快霽以為佳

出麗正門恭迎

皇太后至避暑山莊喜而成什

朝晴夜雨符汎灑路左迎

鑒此夙興十日牽縈欣大慰

萬年康健福駢膺惟茲避暑期恒豫不覺

喬齡逐漸增欲擬求仙為駐景秦皇漢武有明徵

遊文園獅子林

園裏文園繞一隅却成十六景分鋪取諸左右源堪挹  
別以高低趣更殊朝暮靄嵐標活句清真山水列奇圖  
問從何處得粉本格法依稀自嬾迂

文園六詠

房

蹟自倪傳今屬黃世間執業底為常雲林圖展試一證

慙愧草房易瓦房

山

四面真山中假山頗因詰曲露孱顏暇餘偶向其間步  
真假何須辨等閒

水

鴈齒橋欄照影紅金閭想像畫圖中雖然入海殊遙近  
及至其間合相同

松



峰側嶺端合點綴索馳教種稚松新設如拱把例桐梓  
孟氏良言思養身

魚

網罟絲竿例不動鏡中撥刺錦成雲文園當日原靈沼  
於物何殊樂利羣

蟬

流響欣聞綽爾齊

塞外之蟬蒙古名曰綽爾齊蓋謂歌曲者

蛙聲自合異高

低聽來却欲笑王晏鼓吹寧須慙孔圭

再題所做倪瓚獅子林圖仍疊前韻

倪圖一再做渠渠

蘇州獅子林御園及此而三皆做雲林為圖各弄之

并有題詞

卷內書翰墨因緣雖慕昔亭臺建置覺過

平聲

予遊觀富

固輸吳會山水清原自赫胥重此拈毫賡舊韻東坡往

事每因如

一韻數疊惟東坡愈出愈奇

題清舒山館

綠陰喜清遠夏日正舒長遂與尋新徑依然得古堂泥  
融留鹿篆樹夾奏蟬簧原是常來處會心每異常

頤志堂

頤志頤

慈志額顏

皇祖留教生即

家法

壽祝擬仙籌夏清日方永山停水自流

懿懷增豫者耆定奏功收

含德齋

已德不須誇要在含而蓄人德不須忌要在含而育含  
德之義大淑身治世屬書齊適在茲水抱山之曲即景  
多蘊藉循名應佩服

堯章豈徒云武銘可同讀

### 靜寄山房

山館別清舒山房臨靜寄無過一溪隔過橋數武至歲  
久庭樹喬雨後樹陰翠葉蟬無躁音藻魚有潛意率足  
靜以觀而寓寄之致

瑩心堂

四面水圍鏡一庭山敞襟書堂幽致靜暇日步延尋會  
意道堪味循名實可吟瑩心思治理

睿藻示人深

詠和闐玉夔紋環壺

和闐采出春秋貢琢器頻翻博古圖時樣頗嫌巧乃俗  
周壺猶近古之模乾龍為玉魑似矣帝樂鳴球夔戛乎

設更因文思敬義丹書語敢忘

去聲

斯須

恭侍

聖母登舍利塔喜而成什

山莊朝爽了無炎

慈輦梵宮奉

拜瞻

曼壽已登八十五堵波猶陟九層尖似茲

健步佛仙佑益切衷心愛慶兼

大德自應具四得千秋彤史孰曾覘

雨泛八首

五月廿六日

雨雲

雨雲弗藉殷

上聲

其雷了識為時必久哉

凡有雷之雨為陣雨為時弗長

若無雷為時必久屢試弗與

剛見遙天敷靈霽片時亂點落空來

雨山

螺黛分明見遠山  
藏林蔽壑瞬間橫  
排豎洒恣流宕  
不動高峰祇是閒

雨舟

湖舟那似御舟大

謂安福艦昨御以東巡者

中使撐篙遇雨忙却喜

無端入畫景

石渠寶笈有李唐風雨歸舟圖

更思盼澤過瀛滄

山左迴鑿時久

缺雨登舟後盼澤甚殷雖蓬牕夜聽曾慥慰懷究以淫霖未霽不能愜意

### 雨荷

新荷纔見兩三榮  
驟雨杯如沆瀣傾  
細聽聲為小石調  
遺山佳曲面前呈

### 雨鹿

左右今看濯濯真  
踉蹌學步領麋新

凡鹿于四五月間生子必遇雨而後



產因之無害狎鷗悟林下同然不避人

雨鶴

喬松翻下近根邊避濕胎仙性自便白片設還疑作雪  
王恭鶴氅是天然

雨岸

米家畫裏不分明到岸方知覲面迎莎草那妨泥滑刺  
肩輿也教漫徐行

雨齋

數武居然也到齋雨衣原是瓦為佳  
澁澁簷溜聲鳴裏  
寫就新詩八首排

喜晴即事

昨曉

大安禮梵宇山衢快爽值晴明午炎

寢殿宴息適申刻遙峰蒼蔚生遂霈甘霖宜稼穡更輝  
朝旭放光晶似茲時若利農務總沐

天恩豫

認情

荷二首

去年花遇以季夏今歲看花纔夏中遲速總因節早晚

不同間自有其同

風度九齡特相

入聲

如六郎豈足汙塗諸漫言塞外何有

此君子寧須擇地居

玉琴軒

引水藉地勢成軒不日中每來昔有詠愛此興無窮但

聽咽危石寧誇識爨桐如云五絃撫慙愧是薰風

寧靜齋口號

邇歲有征事吐蕃旰宵籌筆不辭煩受俘宴凱行而至  
寧靜真知是此番

千尺雪二首

雨過溪流漲野灘噴珠峽口落飛湍坐來未可默然置  
欲去陳言戛戛難

憑流耐可小徜徉幸罷軍書頻問忙戰將歸來談玉壘

此時落雪正尋常

六月朔日初伏

三庚至後數

上聲

初庚

世率以三伏謂三庚然亦有四十日之伏者究以夏至後第三庚數

伏起之三庚為是

朔旦巧逢月首并恰值片時飛陣雨更欣少

刻湊佳晴東南雲斂溽蒸卷西北風吹颯爽迎畏慮翻

因為慶慰

月朔及首伏最忌連陰茲雨而即晴實叶農占

願同農父祝秋成

永恬居

蘭逕向西循松齋倚巘肩偶來值初伏言到却逾旬

到山莊已

逾旬  
日矣  
山色總依舊世情率喜新一端因永念誰是得恬人

素尚齋

拾級陟迴廊據牀坐素堂嵐光飛翠迴松籟落空涼會  
景忘今昔潛心究縹緲尚哉知禮後得矣起予商

至創得齋小憩因題句

肩輿更向西聊乘片時暇峰迴路屢轉峽陡泉常瀉入  
深益窈窕步仄頗上下巖齋亦已到綠陰茂松架謾濤  
送微涼於焉憩敞榭泠泠聽漏聲隙影弗少借去歲所

吟句壁間陳迹訝

枕碧樓

出樹居然有迥樓扶欄竭爾暢吟眸層層風送碧波泛  
不異子荆欲枕流

過東嶺至梅檀林

橫嶺分東西東則梅檀林水月庵亦近向每留清吟巖  
齋

謂初得

躋嶺半言返類畫今事半而功倍進也語良謔

水月茲姑舍檀林適可尋數武斯已到坐我虛堂深一

以息衆力一以暢遠襟巖枝及澗葉浮碧萬頃臨薦褥  
底須燒是香非世音反嗅得聞思調御證悟悟

天籟書屋彙括南華語

子游問籟答南綦語固荒唐義可思莫適為天誰主役

咸其自取怒其誰

嘗謂韓昌黎物不得其  
平則鳴語出南華此論

澹軒

山巔艱致水一泓呈鑑池寧須波瀾寬所愛穀紉漪小  
軒構其上每喜澄光披漫議石泉細半藉人力資夏雨



滿陂塘亦有微漲時盈科縱無進濯清還有期

雲潤樓

夏日易生雲山更生雲處層樓倚山架出楹恒寫霧天  
衣潤人衣任來亦任去作雨惟片時旋復曦光露名實  
信兩收農桑庶不誤

超然字口號

與天為蓋與雲齊南望千山眼底低設論遊乎物之外  
子瞻未得謂膠西

松雲樓

雲來每依松雲去松還在固知雲無定而松恒不改雖然有轉語松雲詎他待試看綠容容豈非碧霞綵斯則貫四時是其所以乃

水月庵

盤旋仄棧落斜深路便歸途竺宇尋大士蓮花鬚上坐如如常聽海潮音

山心精舍

竺宇邊傍精舍構坐欣九夏似深秋不因儒墨尋陳迹

已忘

去聲

筌蹄此偶遊忽遇來親林下鹿可呼相狎海中

鷗山門正與東峰對

謂鍾峰

鑪

去聲

之間看舉頭

題和闐鏤玉石子

玉材不中

去聲

鼎尊卣刻畫為圖效沈周覓句歸來度野

約便攜新藻上書樓

右溪橋策杖

青巘白雲疊出奇科頭松下坐屣屐一籌勝得丹青處

深淺峰巒自有姿

右松巘看雲

詠木癭筆筒

癭木千年物文房誰氏留居然伴毛穎詭矣喻莊周何

礙斯尫偃能全以腫疣硯南看樸雅

人在硯北則筆筒應在硯南也

搞

句似茲不

王諤溪橋訪友

草樓松下碧溪隈不設牕櫺面面開恰似陳蕃方下榻

遙看徐孺過橋來

題刻玉蘭亭圖

流觴曲水修竹迷古永和暮春此畫全羸筆畫諸人真

是玉人題詞聊紀茲日撫景竭憶南巡

辛未南巡渡江至蘭亭時當三

月八日曾即景題什並成雜詠

玉枕命刻舊蹟

命刻丁卯年所臨玉枕蘭亭于背

愧遜

昔歲精神

詠哥窑盤子

六出微分花瓣一圓仍具月形器固遜于難弟果亦貯

其寧馨碎紋紛纈鱗血全體却隱螺青嗟彼古時次品  
今為珍玩晨星

題錢維城竹院清吟

山聳秀而水漾清高人獨坐搆吟情後庭修竹輕含籟  
相和敲金戛玉聲

出山莊觀農務即事得句

我至山莊將半月通連旬朝未命輿雖然咨政日宣召  
籌筆既罷多暇餘高居豈曰所無逸厘心農務應閱諸

夏雨既渥非靈潦赫曦暄之助長如累累已有結穗者  
十日以前觀頗殊更殷此後祝時若西成庶足慰田夫

澄觀齋

因至澄觀齋深繹澄觀義澄實近無為觀乃鄰有事修  
己以治人安民與察吏何弗藉乎觀那盡澄而置然義  
傳有言百慮原一致有事處無為聊因存此意

翠雲巖

澄觀齋後翠雲巖每到山莊題句咸多以少增檐勒滿

雄因健積境超凡

色不可圖權曰翠形難為狀假名雲天風翻下千尋壁  
中有八音六律聞

熱

炎官行時令合遍四天下豈于山莊中朱明乃獨捨耕  
墾日以廣長遂資乎夏叶通日頗劇熱伏中所宜者樾  
蔭風有爽廣廈歆無惹避暑處固多紈扇偶亦把層峰  
出大雲情知蒸雨灑



雨

六月初六日

昨夜陣雨落而止今日油雲生未已過午遂看大雨行  
震震忽傾三峽水嘗謂夏月五雨佳屈指正合其時矣  
山田二麥收已畢禾黍怒生結穗始初一初二日皆  
有陣雨即晴潤  
根沃穎利農功幕嶺漲溪餘事耳此後惟益祝時若西  
成尚遙念敢弛

題董邦達山水

山既幽深水曲折林間野屋洒然清箇中高士獨不見

史筆恐防落姓名

詠漢玉辟邪

何來羸屬名辟邪大胷耀後如騰拏周身璘玢繡土華  
湓水疑出吉侯家邪何曾辟翻滋奢達觀為爾興咨嗟

濬溪

急雨千山過飛瀑萬峽落奔流挾沙石填溝更湍壑本  
來有細流漲退翻致洄園吏宿所習荷插爭剗削仍舊  
貫而止清溪復繹絡獎勞例有賜較庶民攻樂小務亦

塵其要政敢漠若

御門引見月官因成什

近年因避暑五月即啓蹕山莊駐過秋為日頗久致閣

報按期發無虞廢庶事惟是吏兵部月有引見吏雜職

司細務代閱原可俾

駐蹕山莊數月所有銓選人員文職之佐雜武職之護軍校驍騎校

等官即命留京

印官董要郡賢否應親視

文員知縣以上武員守備

王大臣驗看

以上職任較重因令吏兵兩部堂官每月各輪一人帶至山莊引見以昭詳慎

雖然戒皮相十

可八九識

叶月選各員就其缺之繁簡人之能否量為更調雖甄核于奏對之時類乎皮相而人

材大概差無遁形自臨御至今四十一年簡閱已多亦頗十中八九因令來引見量材使

以器獨是跋山川未免勞路費先事有恒言後祿思精

義

署陝甘總督畢沅奏甘省各屬被旱情形詩以誌

事

從來地瘠民貧處忽報霜濃雨缺聞

先是畢沅奏甘省自三月以後雨澤

稀少狂風時作雲起輒為吹散兼有被霜之處麥苗受傷秋禾大半未能出土即已出者亦不能長發現經虔誠祈禱若早得甘霖尚可補種晚禾蕎麥深為厯念諭令速奏得雨情形茲復據奏五月二十四等日得雨

欽定四庫全書

御製詩四集

二十四

二寸三寸未能深透是甘省早象已成且節屆小暑邊地氣候早寒即續得涇膏亦難翻壑補藝急勅該督等率屬悉心履勘善為撫恤毋致貧民稍有失所麥固失收絕夏望禾仍待澤冀

秋殷覽卿已切尸祝代而我曾無遠近分乏善策惟力

補救預教發帑備賑勤

甘省藩庫雖存貯四百餘萬兩

費因勅部核計所存之數除備支俸餉外或不敷賑恤所需即於留貯西安藩庫軍需項下就近酌撥銀一二

百萬寬為備用

成都將軍明亮等奏新疆事宜詩以誌慰

險疆費力始平之不合仍將俾土司

兩金川恃其地險抗拒大費兵力五

年始得蕩平自不宜復以分給附近土司致日久復滋  
後患因于其境設鎮安營率降番屯壘以裕軍需並設

成都將軍駐省鎮守歲再巡  
查彈壓俾番徼永臻綏靖

戍卒輪班撥近地

于川省綠營內

撥兵六千名前往分駐所居平房碉座隨處伐木運石  
如法砌築茲據明亮等奏督促工作五月內即可藏役

降番散處懇荒陂

兵屯之外並給降番地土酌予種具俾資力作茲據奏降番等各將殘毀

碉房自行葺治樂業安居所種秋蕎瓜菜菁蔥遍野氣  
象甚覺安舒如此屯耕編管相制相維新疆自可永期

寧已看樹藝欣作息即寓屯耕相制維永救蠻方靖兵

火由來萬事在人為

泛月有詠誌懷

泛月本宜夏山莊宜之最傍晚坐溪亭水輪且遲

去聲

待

叶西嶺陰下落東峰曦迴在須臾曦亦隱舉頭素蟾對

暮色旋已蒼寒光頓可愛爰開綵畫舟以遊琉璃界四

山圍明鏡皓魄印其內更思夜明照原包四山外外內

通體淨上下合相

去聲

快恰似遨金田誰云居玉塞昨年

亦斯境而屢籌筆會者定今餘閒適興聊弗害瞿然謂

失言無逸應恒戒

雨

六月十  
二日

昨日溽炎實異常情期蒸雨變新涼雲衣傍午鋪艷動  
雷鼓驅霖灑霈霧洗盡煬炆如有意落來颿爽快無央  
既霑便冀時晴好庶得農功萬寶償

方竹杖

無竹不有節所希乃見方益彰此君概豈逐世人常可  
並義經直如聞漢詔良惟羸蜀笻者贈客却傳王

題和闐玉寒山千尺雪圖

千尺雪今凡有四

千尺雪在蘇州寒山辛未南巡曾題  
詩紀勝並于西苑熱河盤山各敘其



制為之寫圖四每處弄四卷精珍茲獨寫寒山宦光數典真無忝裴

楷稱名似可刪

晚晴落照

絮雲歸東南斜日戀西北右嶺漸鋪陰左峰益朗色朗  
色翻湖光上下連金碧點綴紅荷花此景畫難得

難得者快晴廓落碧宇明樹葉爛金片含風峭涼生披  
來欲添衣身與神亦清昨朝熱忽忘誰曾有恒情

恒情惟在農較量甚農夫艱雨即慮他恐潦每愁吾渥

霽而快霽似此誠希乎心恬境逾佳可以泛澄湖

澄湖漾蘭船夕靄散餘暑廣寒與徘徊玉塞與延佇麋鹿  
近磻岸箴疵邀烟渚即景思重華聞善莫能禦

題含青齋

望日祇園瞻禮迴筭輿徐進石城隈巖齋路右聊成憩  
今歲夏中初度來牕裏含青宿雨過

昨夜陣雨即晴

天邊拖白

曉雲開林間鹿本出無意却似有心作客陪

松霞室

白雲徂遠天赤氣待騰晚而何松下室青霞忽滿眼挾  
雨非所知照日聊且緩鬱蔥與蒼濛團支綠油繖此景  
太古來相值情何限南樓老人筆

室中懸女史  
陳書長松圖

意謂得

佳伴

挹秀書屋

秀色四鄰都可餐挹之無盡憩之安壁間舊句接新句  
盟戒綺言却屢寒

題碧靜堂

今歲今朝到昨年昨日同光陰誠迅速吟詠那終窮即  
景番番異興懷旋旋融千林一色碧靜意接長空

淨練溪樓

跨壑溪房可號樓夏山過雨落垂流實欣名稱得逢

去聲

鮮七字憑吟為少留

靜賞室口號

既云靜矣奚云賞有賞應知靜已紛不廢賞而無礙靜  
曰惟斯室獨超羣

松壑間樓

山樓處處有此獨稱松壑不惟窈而深真是清堪樂澹  
澹谷神存謖謖天風落近者峰嶙峋遠者嶺迴薄太古  
之秘室軒楹費構作混沌本自佳儵忽饒穿鑿促成五  
字去聊識興所託

詠宣德紅錦壺

宋窯惟一色作繪始朱明白地縐紅錦陶甃擬琢瓊耳  
穿便繫組口哆稱簪英長吉如逢此奚囊較定齷齪

題董誥花卉冊

白梅

冰雪肌膚綽約顏  
然疑處子掠雲鬟  
月明林下驀逢際  
知是來從姑射山

紅梅

氣味本來自相入  
聲親粧成不語亦傳神  
試看淚汗紅綃

處合喚唐宮江采蘋

西府海棠

態度宜教號太真嬌盈鬢角與眉脣小名已上鄉嬛簿  
本地當知永樂人

貼梗海棠

身傍應有侍兒從約弗傷貧麗弗濃一曲霓裳剛舞罷  
新詩合著贈雲容

黃紫杜鵑

女夷賦色原無定黃紫何妨躑躅開寫入小圖成別體  
大都啼血厭重儻

紫白錦葵

錦葵畧異蜀葵黃不必傾心說  
向陽衣白山人原自好  
底須廁箇紫衣郎

紅白剪秋羅

天淡雲閒秋信來  
秋衣羅製合先裁  
黃裳却異邶風刺  
素綯應知衛國該

紅白鳳仙

頭尾翹然欲翫兮  
霞紅雲白任昂低  
雖然巧對稱金鳳



畢竟高標遜木犀

菊

各色之中獨寫黃信知愛趣契柴桑白羅紫粉稱譜者  
博矣失真欠酌詳

藍菊

相伴黃花三兩枝金風玉露自歲凝澧州別駕非合傳

去聲五柳先生豈一時

金盞

堯臣底事誇玉白

金盞以色黃得名梅堯臣詩云  
白玉碗無瑕然白者從未見也

鍾令

曾聞藉酒醒便是撫圖供興遣也應惡旨切心銘

長春

花開四季號長春卉也而知天地仁一氣流行無不貫  
羣芳為殿識超倫

詠玉韞

和闐產美玉製韞琢磨為伙手仍今日從心愧昔時

自壬

午年病臂後雖木蘭馬射如常  
而射鵰則大不如昔屢命中矣中窺望月滿外暈喬雲

披寓意摘新藻御之無射思

清閨閣對雨

六月十七日

五日期非舛

嘗謂夏月五日一雨實佳昨十二日雨

三庚景最清詩成俛

子處畫玩米家情遠喜山禾潤近觀水卉榮

前池今歲種荷正開

高峰對僧帽

僧帽峰雲幕則雨久否則速晴今見峰知雨弗久也

可卜即開晴

雨景四首

雨峰

芬絲垂幕裹嶙峋石態林姿辨不真玉筍片時森作竹

徐看其色却為銀

雨湖

岸脣增漲祇須臾  
接上鋪平大小珠  
試看波瀾呈塞水  
曾何分寸讓明湖

雨荷

教漢

讀作平聲出荷花移藕植此見  
皇祖避暑山莊三十六景詩移植此芙蕖綠葉

紅葩雨裏舒  
論異潛夫誇格物  
錦江濯錦樂生魚

雨蚤

金剛經疏 卷三十九  
不見聞聲草岸隈蠕蠕脇濕鼓猶催擣毫非擬歐陽賦  
秋信傳來有是哉

喜晴

今晨霽雨而無雷意謂連陰其然哉時行三庚庸可避  
究希快霽為徘徊幸看僧帽峰明露果符厥兆真愜懷

僧帽峰雲開則雨  
連霽茲果符其占

乍霏細點復乍止過午遂見徂雲開

慰因禾黍得長

上聲

遂山林餘事資吟裁

出麗正門策馬閱隄閱稼

萬里無片雲山風拂朝爽數日祇高居翻以閒為快策  
馬一出遊詎暢遊觀賞閱隄兼閱稼有事寧虛往禾黍  
胥吐穗時暘資勃長霽雨既非靈漲弗致沆漭隄實高  
出河徹橋惜費枉河上架橋以備過河禮廟遇大雨漲集易于街圯物料每致漂失有司不免賄墊因于溥仁寺拈香後即命徹去以省繁費俟秋時潦退啓蹕行園時再行搭構以度車馬永著為令  
細事亦厘心要務敢忽想

留京王大臣等奏雨暘應時詩以誌慰

麥收以後雨暘時高下田苗莫不滋隔數日常逢渥霽

霑優膏便放晴曦巖闕內外曾無異京國東西亦若斯  
屈指秋成月餘近敢因慶慰懈虔寅

疊和闕玉珰奏凱圖三絕句韻

去歲曾題琢玉圖何期為兆即符乎勒勲紫閣名重煥  
命圖將軍阿桂等五十功臣于紫光閣親為製贊並繪  
後五十功臣像命儒臣等製贊并倣平定準部回部之例  
懸逆藁街醢已枯

永靖笮疆期善後番耕屯戍悉心為迴思昨夏拈吟際  
祇盼捷音未及斯

早報石田卜有獲

前據明高等奏番衆鑿種之地菁葱遍野氣象安舒

誰云兵後

或凶年武功成矣無一事祇切祈豐念永懸

### 題綠雲樓

巖樓出樹枕層椒橫嶺豎峰拱近遙却是仙莊到彌月  
纔教迴級拾今朝昨年新句成陳迹一晌幾餘樂景撩  
忽訝丹邱如可遇遨遊原在碧琅霄

### 水月精舍

精舍溪邊構翠微俯臨遠眺興遄飛三間雲閣清含潤



四季永輪朗映輝看鹿遊寧闕遠害同鷗狎那藉忘機  
茲來更有便宜處籌筆無勞月下揮

招涼榭

盤礚降于原有榭仍近水谷風從北來拂水爽無比峭  
壁峙在西得陰斯早已山莊少炎熱偶熱即憩此招涼  
底用招聽其自至耳

觀瀑

屨步溪廊遂至亭垂流擘峽落溪渟高懸

聖藻曰觀瀑可識觀中即具聽

石泉遠引石崖沿到此宛成尋丈懸都大世間驚耳目  
半因人力半天然

雨

六月廿一日

夏雨無雷勢定長婪絲今曉亟悠揚三朝已閱資暄曬  
半日猶欣非霈霧未末申初漸開霽天中雲際露晶陽  
因思患得必患失在我斯言却不妨

題趙宦光聽雨硯

猶是宋坑石千年色古含撫看聽雨篆想共老禪參

硯

篆聽雨二字背鐫寒山趙宦光為悟石老禪作

憶昔寒山畔每因遺蹟探臨池

偶一試飛興到江南

詠官窰瓶

鐵足腰圍冰裂紋宣成踵此失華紛而今景德翻新樣

復古誠知不易云

晚霞

徂雲散未淨夕日烘為霞晚晴知已定農諺喜兆嘉

諺云

晚晴十八日  
最利農功

閃葉動高樹翻背看歸鴉碧天光照迥翠

巘陰落斜煩緒一以澄所欣在田家京畿如斯否復因

續念遐

即事

心塵各省在農田水旱形先俾速傳

各省晴雨水旱情形令各督撫隨時

奏報已幸邊方茲定武益思休養為祈年率稱暘雨值時

若可卜稻禾逢歲焉

今歲京畿及閩外雨水極為調勻其餘南北各省以及雲貴閩粵並

奏報晴雨應時秋成可期豐稔

獨繾甘涼將被暎

先據署甘肅臬蘭等二十

九州縣春夏缺雨五月下旬雖有雨而未能霑足高原禾漸萎黃其被霜被雹之處亦以得雨較遲邊地早寒艱于補種因勅勒爾謹回任後善籌賑恤就各省通計甘肅雖一隅偏災然地瘠民貧深為厯念並詢該督如賑款不敷即于甘省截存川餉內酌撥備用務期一隅災黎均霑實惠不肯令地方官為無米之炊也

失所亦惶然

題古玉璜

半壁何年璧曰璜果是璜衝牙鎮前後懸組祇中央斐若瑤草蔚穆然古色蒼依稀公望釣其報在齊姜

徐賁山水

科頭碕岸晒江潯樹祇幾株山一岑了了筆含無盡意  
知他津逮自雲林

詠蟬

塞外蟬聲殊塞內元音太古綽爾

平聲

齊

塞外蟬聲與內地稍異蒙古呼

為綽爾齊謂其似歌曲也

報秋律合商兮羽飲露韻諧高與低松下

花間常入聽排衙唱道漫嘲題山中鼓吹流清響意謂  
斯猶勝孔圭

題和闐玉夔紋壺


和闐來玉夥量質肖周壺

倣西清古鑑周  
夔紋壺為之

糾繆夔紋蔚

提攜雙耳扶他山本資石姬室久貽圖事或不師古攸

聞匪說乎



御製詩四集卷三十九